

BOSNA I HERCEGOVINA
FEDERACIJA BOSNE I HERCEGOVINE
KANTON SARAJEVO
OPĆINSKI SUD U SARAJEVU
Broj: 65 0 St 153059 10 St
Sarajevo, 19.12.2024. godine

Općinski sud u Sarajevu, stečajni sudija Nebojša Joksimović, u stečajnom postupku nad imovinom stečajnog dužnika „SIRIUS GRAND“ d.o.o. Sarajevo u stečaju, Ul. Skenderpašina broj 31, Sarajevo, koga zastupa stečajni upravnik Siniša Lužaić iz Sarajeva, van ročišta dana 19.12.2024. godine, donio je sljedeće

R J E Š E N J E

1. Zaključuje se stečajni postupak nad imovinom stečajnog dužnika „SIRIUS GRAND“ d.o.o. Sarajevo u stečaju, Ul. Skenderpašina broj 31, zbog nedovoljnosti stečajne mase.
2. Ovo rješenje ima se objaviti u "Službenim novinama FBiH" i oglasnoj ploči ovog suda.
3. Nakon što se steknu procesne pretpostavke, ovo rješenje će se dostaviti Odjeljenju registra privrednih subjekata Općinskog suda u Sarajevu, radi brisanja stečajnog dužnika iz sudskog registra MBS broj 1-5110.
4. Obavještavaju se stečajni dužnik, stečajni upravnik i članovi Skupštine povjerilaca da pravne posljedice zaključenja stečajnog postupka nastupaju 8 dana nakon objavljivanja ovog rješenja u Službenim novinama FBiH.

O b r a z l o ž e n j e

Rješenjem ovoga suda broj gornji od 26.06.2018. godine, otvoren je stečajni postupak nad imovinom stečajnog dužnika „SIRIUS GRAND“ d.o.o. Sarajevo u stečaju, Ul. Skenderpašina broj 31, Sarajevo.

U toku trajanja stečajnog postupka stečajni upravnik je u cilju pronalaska imovine koja bi eventualno činila stečajnu masu intenzivno vršio provjere koje su rezultirale pronalaskom određene imovine i koja je unovčena.

Dana 04.11.2024. godine stečajni upravnik je dostavio Izvještaj o ekonomskom stanju dužnika, te je naveo da je 16 juna 2024 godine preminuo prvo imenovani stečajni upravnik gospodin Biber Refik iz Sarajeva a koji je predmetni stečajni postupak vodio od 2010 godine. Naveo je da je nakon preuzimanja dijela dokumentacije na temelju koje je bilo potrebno nastaviti započeti stečajni postupka utvrđeno je sljedeće: da se stečajni postupak vodi od 2010. godine, da stečajnu masu čine potraživanja koje je stečajni dužnik imao prema dužnicima za 30 lica, da se nakon poziva stečajnog upravnika javilo 13 dužnika, te da je sa istima sačinjen sporazum za izmirenje obaveza u period od 18 mjeseci, da je za 17 dužnika pokrenut sudski postupak u cilju naplate dospjelih obaveza, te da je zadnji sudski postupak završen, odnosno naplaćen u januaru 2024. godine. Naveo je da stečajni dužnik nema aktivnih postupaka u kojima je moguća naplata, te da je u toku postupka formiran Odbor povjerilaca koji je surađivao sa stečajnim upravnikom te su donesene odluke da se isknjiži iznos od

273.199,27 KM koji nije mogao biti naplaćen od strane 10 dužnika iz razloga što dužnik nije nađen ili nepostojanja imovine, Odluku da se neisplaćeni iznos sredstava povjerioca deponuje na račun suda, Odluku da se isplata preostalih novčanih sredstva isplati za neizmirene troškove stečajnog dužnika, Odluku da se nakon isplate sredstava dostavi konačni izvještaj stečajnom sudiji i Odboru povjerioca radi zaključenja stečajnog postupka, Odluku da se dostavi FIA konačni likvidacioni bilans i da se ugasi transakciji račun. Također je navedeno da je novi stečajni upravnik utvrdio da na računu stečajnog dužnika zatekao iznos od 22.599,56 KM, te da je međuvremenu došlo do dopune dokumentacije od strane dijela povjerioca, da se nakon Skupštine poverilaca 04.11.2024. godine pristupi isplati prema spisku povjerilaca koji nisu isplaćeni. Naveo je da kako do dana zakazane Skupštine nije dostavljena dokumentacija za 4 povjerioca to je predložio formiranje depozita na računu suda na kojem bi se deponovala sredstva za povjerioce koji nisu dostupni.

Naveo je da trenutne obaveze prema stečajnom upravniku (gosp. Refik Biber) iznose 67 mjesečnih naknada. Predložio je da kako stečajni dužnik nema stečajne mase koja bi se mogla unovčiti, da preostali iznos nije dovoljan za pokriće daljnjih troškova stečajnog postupka, to stečajni upravnik je predložio zaključenje stečajnog postupka zbog nedovoljnosti stečajne mase, a što je Skupština povjerilaca i prihvatila.

Kako se stečajni povjerioci nisu protivili prijedlogu stečajnog upravnika, te nisu bili spremni da uplate sredstva za obezbjeđenje troškova nastavka stečajnog postupka jer nema stečajne mase, to je primjenom odredbi člana 132. Zakona o stečajnom postupku ("*Službene novine Federacije BiH*", broj 29/03, 32/04, 42/06 i 52/18), donesena odluka kao u izreci rješenja.

Na osnovu člana 126. stav 2. i člana 140. stav 1. ZSP, rješenje o zaključenju stečajnog postupka objavljuje se u „Službenim novinama F BiH“ i oglasnoj ploči suda.

Odluka o brisanju pravnog lica iz sudskog registra temelji se na odredbi člana 140. stav 3. ZSP.

STEČAJNI SUDIJA
Nebojša Joksimović

Pouka o pravnom lijeku:

Protiv ovog rješenja stečajni dužnik i stečajni povjerioci mogu izjaviti žalbu Kantonalnom sudu u Sarajevu u roku od 8 dana, po proteku 2 radna dana od objave rješenja u „Službenim novinama FBiH“. Žalba se podnosi ovom sudu u 3 (tri) primjerka.